



## Universitätsbibliothek Paderborn

**Summarium vndt Kurtzer Inhalt Der Staffeln des  
Innerlichen Gebetts, vermittels deren die Seel zur  
volkommenheit der beschaulichkeit gelangt vnd auffsteigt**

**Teresa <de Jesús>**

**Gedruckt zu Cöllen, An[n]o 1637**

Das I. Capitel. Vom jnnerlichen gebett.

[urn:nbn:de:hbz:466:1-54916](#)

Glückliche Jesu Christe Jesu Christe  
Von uns verlasset uns nicht.

I E S V S , M A R I A ,  
I O S E P H .

## Das Erst Capittl.

### Vom innerlichen Gebett.

**G**ewiss As innerlich Gebett ist nichts anders als ein Be- trachtung / dardurch die Seel sich zu Gott erhebt / vnd außmercket mit wem sie redet / vmb was / wer / vnd von wem sie bittet. Dahero dann / wer mit Gott also zureden in gewonheit hat / als ob er mit einem schlechten Diener redete / der nie bedachte / ob er wol oder vbel redet / sonder was ihm nur einfält / oder sonst an gewonheit in Sinn kompt / heraus bloß deret: Solches halt ich für kein Gebett / vnd Gott sey darum / daß sich ein Christenmensch vmb ein solche weis zubetten soll

2. Der H. Therese von Jesu  
soll annehmen. Seelen Castell. i. We-  
nung. i. Capittel.

Es ist auch ein andere weis zu beten  
die wird das mündlich Gebett genenn  
weil es mit Mund vnd Stimme aufge-  
sprochen wird: vnd wann ich also mün-  
lich bette/ vnd zugleich auffmercke / du  
ich mit Gott rede/ als dann ist beides da-  
mündlich vnd das innerlich Gebett mi-  
einander beyfamen. Dann wer Gott an-  
redet/ soll auffmercken/ mit wem er redet  
vnd wer er selber sey der da redet. Damit  
wisse / was gestalt er siehe vor einem /  
großen HEKten/ vnd wie er mit dem  
selben handle / vnd also schliesser da-  
mündlich Gebett das innerlich in sich  
welches nichts anderst ist/ als diser ob-  
melten Stück embsige Betrachtung.  
Weg der Vollkommenheit Cap. 21  
vnd 25.

Es ist aber zwischen dem innerlichen  
Gebett vnd der Bescharlichkeit mit all  
schlechter unterschid / seytemaln das in-  
nerlich Gebett/wie gesagt/ ist/ bedenken  
vnd verstehn was wir reden / mit wen

Inners: Ghetts Staffl/Cap. i.

3

wir reden/ vnd wie wir selber beschaffen  
seyn solten/ die wir vns vnterstehn mit  
einem so grossen Potentaten zureden.  
Dieses sprich ich/vnd dergleichen geden-  
cken/wie wir nemlich Gott dem Herrn  
noch so wenig vnd schlechtlich gedient/  
vnd wie hoch wir darzu verbunden seyn/  
dies ist das innerlich Gebett. Weeg der  
Vollkomm: Cap. 25.

Und obwohl dies Gebett/so mit nach-  
sinnen des verstandes beschicht/garnuz-  
lich vnd haylsam / so schöpft es doch  
auffs allermeiste das Wasser (der An-  
dacht) nur gleichsam von der Erde auff/  
vnd trincket nit bey der rechten Bruna-  
quell ; Es unterlaufft auch auff diesem  
Weeg vil Eaimigs vnd lettigs / daruon  
das Gebett auff gehalten vnd gehindert  
wirdt/dah̄ es so rau vnd so lautter nicht  
ablauffen kan. Seitemaln bey solcher  
betracht: vnd nachsinnung wir vns offe  
in der Welt vnd Weltlichen Ehrelei-  
ten/ die wir lieben / befinden / vnd in  
deme wir daruon abzuweichen begehrn/  
so steht vns im weeg/dah̄ wir gedencken/

C 4

wie

wie nemlich die sach beschaffen gewest  
oder wie es hernach darumb stehn wen-  
de / was ich gethon / was ich noch thun  
werde; so ist auch zuweiln ein gefahr / das  
wir den gemeinen sachen nachhengen  
vnd ankleben. Weeg der Vollkomm.  
Cap. 16.

Aber in der vollkommenen Beschau-  
lichkeit redet Gott selber die Seel an / e-  
hebt vnd erhöhet den Verstandt / vnn-  
schneidt den gedancken ab / vnnf fält der  
Seelen gleichsam in die Red / daß er  
nur / wie gern er auch wolt / sehr hart vnd  
schwerlich reden kan. Sie erkennet auch  
dass diser Göttliche Präceptor vnd Lehr-  
er ohne wortsgereüsch mit jr redet. Die  
Seel wird vom Feuer der Lieb enzündt  
vnd waß hierunter nit wie sie liebt / ob  
wie jr in diser Lieb vnd innerlichen Freu-  
den geschicht. Allda eröffnet ihr der höch-  
ste Gott jähling vnd schnelliglich kün-  
vnd lautere warheiten / vnd minthalt / als  
weit scheinbarlichere Erkenntniß / als si  
sonst in vilen Jahren allhie hette könnd  
erlangen. In summa allda trinckt si

das lebendige Wasser auf seiner aignen  
Brunnquel. Und diß ist die recht voll-  
kommenliche Beschawlichkeit. Im Le-  
ben. Cap. 18.

Wie derjenig / so sich dem Gebett er-  
gibt / keinen so grossen Schatz besitze / ha-  
ben vil heilige vnd Gottselige Männer  
Schriftlich bekannt gemacht / sonder-  
lich von dem innerlichen Gebett. Und  
wann dem nit also were / ob ich zwar  
ein schlechte Demut an mir habe / bin ich  
doch so hochmütig nit / daß ich mich in  
dieser Materie zureden unterstehn dörfste;  
will allein sagen / was mich mein eigne  
Erfahrung gelehrt hat. Im Leben.  
Cap. 8.

So ist verhalben die Barmherzigkeit  
sehr groß / welche Gott der Seelen ver-  
leihet / die er zum Betteln zubereitet vnd  
geschicklich macht : vnd wann sie schon  
so bereit vnd geschickt noch nit ist / wie sie  
seyn solt / jedoch woserr sie darinnen ver-  
harrit / wie schwere Sünden / Anfechtun-  
gen vnd tausendfältige mishandlungen  
ihr der Teuffel immer fürhielt / hab ich

**E s** doch

6 Der H. Theresæ von Jesu

doch keinen zweiffel/es werde sie der Herr  
vnfehlbarlich heraus ziehen / vnd zu  
dem Port der ewigen Seeligkeit führen.  
Derowegen / wer sich ainmahl vmb di  
se vbung des Gebetts angenommen hat/  
was er auch für Unvollkommenheiten  
begehe / soll er doch vom Gebett keines  
weegs ablassen : Und das darumb/welch  
das gebett ein mittl ist/dardurch die Sei  
sich erholer/vnd solchem vbel widerst  
het/dann diß ist das mittl sich wiederum  
zuerholen/vnd auffzurichten/vnd ohne  
diß würd es sehr schwärlich zugehn. O  
sche einer wol auff / daß ihne der Teuffel  
mit versuchte/wie er etwann auff ein Z  
mich versucht hat / daß er nemblisch da  
Gebett vnterm fürwand der Demut v  
terlassen wolte. Sonder vilmehr halte  
für gewiss / daß die wort Gottes nit so  
len können: dann so bald vns warhaftig  
rewet/daß wir gesündigt haben/vnd v  
kräftiglich fürnemmen/ihne nicht mehr  
zubelaidigen / so nimbt er vns wiederum  
in sein vorige gnad vnd freundlichkeit  
auff / vnd fahret fort die vorigen /

zu zeiten noch grössere Wohlthaten vnd  
Gnaden erzaigen / wann die Rew vnd  
Bußfertigkeit solches verdienet. Den  
jenigen aber/der sich auf diesen Weg des  
Gebets noch nicht begeben hat / bitt ich  
vmb der liebe Gottes willen/er wölle sich  
so grossen Guts nicht selber berauben.  
Dann ob er schon nicht so weit fort-  
schreittet / auch gar nicht trachten wol-  
te zu solcher vollkommenheit zugelan-  
gen / daß er nemlich solche lieblichei-  
ten vnd wolgeschmack des Gemüts  
verdienen möchte / wie es GÖTE den  
Vollkommenen verlehret / wird er je-  
doch den rechten Weeg zum Himmel  
nach vnd nach kennen lehrnen / vnd/auß  
GÖtes Güte/ unbegabt nicht daruon  
gehn. Im Leben der heiligen Mu-  
ter Theresæ à I E S V , am achten Ca-  
pitell.

Das innerliche Gebett ist die Landt,  
straß gen Himmel/vnd die dise Straß  
wandlen / erlangen einen vnuergleichli-  
chen Schatz/dahero dan mit zuverwun-  
dern / wann es vns ( vnsr'm gedüncken

N 6 nach

8 Der H. Theresæ von Jesu

nach) viel kostet: Es wird schon einmal die zeit kommen / daß wir erkennen werden / wie es ein so schlechtes / ja so gar nichts sey / was wir vns / diß so gross Gut zu überkommen/kosten lassen. So het derhalben die ganze Summa vnd Inhalt der sachen / ja das noch mehr ist vñser ganzes Hayl darauff/dab wir das Gebett an die hand nemmen/ seytemal es das Fundament vnd Grundfest ist alle andere Ewigkeiten zu erlangen.

Weeg der Vollkommen: Cap. 21. vnd  
Das Gebett ist ein Thür vnd Thor allen Gnaden/die Gott den Seelen wilenhet. Durch diese Thür vnd Porte geht der Herz hinein / sich mit der Seele zu belustigen. Gott handlet in höchster Lieb vnd Zarlichkeit mit denen/ daß er straf wandlen / vnd er verläßt ihnen die weegführung vnd aufgaben so in dieser Raisen vonnöthen/vnd außerley weiß gibt er zu trincken denen die diesen Weegraisen / damit niemand verlassen fortgehe / oder vor durst verschmachte / zumaln auf diesem völ-

Ber

Inners: Gebettis Staffl / Cap. i. 9

Brunnen grosse vnd kleine wasserbäch  
herfür quellen / vnd zuweilen auch nur  
kleine Kinderläcklein / die ihnen schon ge-  
nuig seynd / da sie ab grössern ein entse-  
gen vnd schröcken haben möchten. Und  
diss seynd die anfangenden. So ist dann  
nit zuforchten / daß wir vor Durst ver-  
gehn: dann auff disem Weeg ermainglet  
es niemaln am Wasser des Geistlichen  
Trosss / daß man nit den Durst ertragen  
kündte. Im Leben. Cap. 8. Weeg der  
Vollkommenheit. Cap. 20.

Jedoch kan ich einem / der von deme/  
was ich bisher gesagt / etlicher massen  
sweissen möchte/wol sagen / er würde nit  
vil verlieren/wann er sich wagte; dann  
dise Raß hat solches gutes an ihr / daß  
mehrer gegeben wird / als einer mag be-  
gehren oder verlangen. Und daß disem  
in der warheit also sey / wie ich gesagt/  
können mir alle die bezeugen helffen/wel-  
che es selber erfahren haben. Weeg der  
Vollkommenheit. Cap. 23.

Ein Seel ohne das Gebett / ist wie ein  
vom Schlag getroffner vnd erstarter

16 Der H. Therese von Jesu

Leib/welcher ob er zwar Händ vnd Füß  
hat / kan er doch dieselben nit brauchen:  
Vnd dem ist also in der warheit / dann  
man so schwache Seelen findet / die den  
eusserlichen dingen dermassen ankleben/  
dass sie sich mit nichten bey sich selber  
versamblen können. Castell. Cap. 1.  
Wohn. 1.

Etsiche Warnungen / so den  
jenigen nützlich / welche die Bu-  
bung des Bettens erst neu-  
lich angefangen.

S. 1.

**T**ch habs auf der Erfahrung an  
vilen gelehrt/das wer anfangs  
Fleiß anwendet / seinen Sinn  
auf etwas gewisses zu setzen/wie  
hart vnd schwerlich es jnmer ankommt  
ist es sach dass er Gott lauter vnd rainig-  
lich sucht/so hat er nicht zu fürchten/dass  
es ihm misstinge. Dann dem H. Ern ist  
alles möglich. Und wiewol die Göttliche  
Ma

Innert: Gebets Staffl/Cap. I. 11.

Majestätt anfangs will / daß die Seel  
einen schrocken oder beschwerlichkeit ein-  
nemme / zu vermehrung des verdiensts;  
wird es ihr doch zu lezt alles süß / ja es  
vergilt der Herr auch in diesem Ellend  
die Arbeit auff sonderbare selzame weis/  
welche allein dem jenigen bekannt ist/der  
einer solchen gab vnd gnad geniesset. In-  
der 1. Wöhn. Cap. I..

Dem innerlichen Gebett sollen alle-  
samt nachtrachten/ auch die schon sonst  
keine Tugenten an jnen haben. Sechte-  
mahl dis der anfang ist / alle andere Tu-  
genten zu überkomen/vnd ist so vil daran  
gelegen / daß billich alle Christen Men-  
schen ihr Leben daran strecken vnd wen-  
den sollen: Es solt auch keiner / er sey ein  
sündler so groß er immer wölle/ (da er zu  
so grossem gut von Gott auffgemuntert  
wird) vnderwegen lassen : allein wird es  
mit harter mühe erhalten / wo man den  
Tugenten mit fleissig nachtrachtet. Weeg  
der Vollkomm. Cap. 16.

Derowegen wer disen himmlischen  
weeg des Gebets begert fürzunehmen/  
wann

wann er diesen Brunnen des Lebens zu  
verkosten/verlangen hat/ dem ist gewiß-  
lich vil daran gelegen/ja es steht der gan-  
ze handl darauff / daß er ein festen vnd  
steissen fürsaz habe/nit daruon aufzufü-  
gen/bis er diß Wasser des Lebens zuwin-  
nen vberkomme; Es komme gleich über  
ihn was Gott wöll / was ihm auch wi-  
dersahre/wie groß die Arbeit jmer werde/  
es murre wer gleich wölle + er errachte  
gleich das zihl / oder sterb vnderwegen/  
wann er gleich keinen Enfer an ihm em-  
pfinde/die fürfallende Mühe vnd Arbeit  
aufzustehn/ja wann gleich die Welt soll  
zu grund gehn. Weeg der Vollkomm.  
Cap. I.

Dann es seynd so viel verhinderniss-  
sen / die der böse Feind anfangs fürhelt/  
daß sie nit sollen anfangen / das hierzu  
ein großmütig Herz vonnöten ist. Wel-  
ches sich der Feind darumb vnterstehet/  
dweil er weiß was jme hieraus für scha-  
den zuwachse/nicht allein auf deme/wil  
er dieselbige Seel / sonder auch weil er  
noch mehr andere/die sie gewinnet / ver-

ster.

liert. So steht nun die grösste mühe vnd alle beschwerlichkeit in dem anfang; seytemal die Seel / wann sie nunmehr im Gebett zugenommen hat / ganz vnd gar in lauter Lust vnd freuden schwebt: Wie wol zwar / die ersten/die andern vnd die letzten ihre gewisse/ doch vnderschiedliche Ereus tragen. Dann dises Beegs/ welchen Christus der HErr gangen / sollen sich diejenigen halten / die seinen Fußstapffen nachfolgen / wann sie sich anverst mit selbst wöllen verderben: So ist ja die mühe vnd arbeit glückseelig / welche auch noch in diesem Leben so vberflüssig vergosten wird. Im Leben Cap. ii.

Es wollen vns manchesmahl etliche von diesem Beeg abwendig machen/ sagend/ er sey gar gefährlich / da sey einer auf diesem Beeg zu grund gangen / ein anderer sey sonst betrogen worden / ein anderer der sich vil auf sein Gebett verlassen / sey gefallen / ein anderer hab vil verspotungen vom bösen Feind gesütet: Solche gefahr vnd sorgen soll man gar nit schäzen. Dieweil diß die rechte vnd sichere

sichere Landstrah ist / darauff vnser Körnig vnd alle Heilige vnd auherwohlte gewandlet: Und seynd dennoch wie sie sagē / so vil gefahr vnd schröcken darben / Wie vil gefahr werden dan müssen aufstehn / die disen weeg verlassen / vnd dem noch gen Himmel aufzusteigen vermaue? Freylich haben sie unvergleichlich vil mehr gefahr vor ihnen / sie sehens aber nit / bis sie leßlich in ein wahre vnd eusserste gefahr hinein gerathen. Es soll vns niemand verführen / daß er vns wolte einen andern Weg zaigen / als das Gebett: Dies ist der Ordensleuth aigentliches Ampt vnd Schuldigkeit; Wer nun sagen wolt / es sey so sehr gefährlich / der ist selber die gefahr / vnd eben darumb zu meiden vnd zu fliehen. Es wird ja ohne zweifel ein gefahr seyn / wo man Demut vnd andere Tugendten mit hat / das aber der Weg des Gebetts gefährlich sey / dem ist bey weitem nit also. Es ist des Teufels betrug / der solche forcht erfunden hat / da mit er eiliche / die dem Gebett ergeben seynd / verzagt vnd abwendig mache.

G

Sie wollen doch vmb Gottes willen se-  
hen diese ihr grosse blindheit; das sie so gar  
nit bedencken / wie so vil tausent Men-  
schen in Reuerenzen / vnd andere grosse  
Laster vnd Ubel gefallen seynd / die mit  
dem Schild des Gebetts nit seynd ver-  
sehen gewesen. Weil aber aus so vilten die-  
sich des Gebetts bestissen haben / etwann  
einen der hōse Feind zum fall gebraucht/  
dahero kommt etliche in würcung der Zu-  
gent solcher forcht an das es kaum auf-  
zusprechen. Weg der Vollkom. Cap. 21.

Es liegt auch vil daran / das man nit  
achte / wann schon trückne des Gemüts  
vnd verlassungen mit einlauffen / ja vil-  
mehr soll ihm einer kräftiglich fürnem-  
men / das er / wann gleich diese Trückne  
bis zu endt des Lebens wehren sollte/  
Christum den HErrn / wie er das Kreuz  
trägt / helfen / vnd nicht wölle fallen las-  
sen. Wann er der halben sich im Gebett  
gleichwohl trucken / vnd ohne ainigen sasst  
der andacht befindet / soll er doch deswe-  
gen gar nit trawren / dieweil er das seinig  
thut / vnd so viel jhn anbelange / kein

man.

mangel erscheint. So ist auch Gottes  
gute so gross / das wann sein Göttliche  
Majestät (auf dero selben bekanten / vnd  
zu vnserm mehrern zunemmen gehörig  
gen vrsachen) haben will / daß die Seel  
mit diser Trückne gekreuzigt werde / wan  
wir nur so viel an uns ist / selber thun / so  
wird sie Gott auch ohne diese Andacht er-  
nöhren / vnd die Tugenten in ihr wach-  
send machen / wann sie schon Zaher der  
Andacht / oder andere innerliche bewe-  
gung vnd zarte animitung an ic nit spü-  
ret. Wer nun mercken wird / daß die Trück-  
ne vnd vngeschmackheit länger wehret  
also daß er auch kein andächtigen recht  
innbrüntigen gedancken haben kan / vnd  
noch darzu so grossen widerstandt vnd  
vnlustigkeit zum Gebett anzustellen bei-  
sich befindet / daß wann er nit Gottes ge-  
horsamb vnd dienst in obacht hielte / vnd  
der bißhero geschehenen Dienst vnd ge-  
horsambs verlust besorgte / ließ er ganz  
vnd gar davon ab; Alsdann soll er sich  
erfreuen vnd getrostet seyn / auch für ein  
sehr grosse Ehr halten / zu dienst vnd ge-

fallen eines so grossen HErren zu streitē:  
vnd seytemaln er versteht vnd erkennet/dz  
er dem selben hierinnen gefalle / wie auch  
er kein anders zihl vnd End vor jme hat/  
als dem Herrn allein/vnd nicht jhme sel-  
ber ein genügen zu laissen/solle er in groß  
machen/loben vnd preysen / daß er jhme  
so vil verleyhet vnd vertrawt / dieweil der  
HErr sihet / daß er vnyverbunden fleissig  
halte/was ihm vertrawt worden / vnnnd  
sein Reich nit auff diser Welt suche: Es  
wird einmahl der Tag kommen / da es  
alles auff einmahl miteinander wird be-  
zahlt werden. So ist auch mit nichten zu  
fürchten oder zu besorgen/als möchte sol-  
che Mühe vnnnd Arbeit vergebens vnnnd  
vmbsonst seyn/dann wir einem sehr gr-  
ten Herrn dienen; Es hat diese mühe vnd  
arbeiten ihr gewisse belohnung / vnnnd ob sie  
dwarz sehr hart ankommen/ auch dieselbe  
aufzustehn meines erachtens ein mehre-  
re grossmütigkeit/als zu allerhand welt-  
licher arbeit vonnötzen ist: Hab ich doch  
klärlich erschen/dß sie GOTT der HErr  
auch noch in diesem Leben ohne widerges-  
tung

tung nit lasset/ zumalen durch ein ains  
ge Trost Stund/ die der HERR verlehe  
werden/wie mich beduntet/ alle im Ge  
bett auf gestandne Verdriesslichkeiten  
berflüssig gnug vergolten. Weeg d  
Vollkom. Cap. 21.

Diese zusallende Trückne/ diese An  
stigkeiten vnd ansechtungen schickt Ge  
der HERR/ wie ich darsür halte/  
mainiglich anfangs/vnnid zuweilen al  
am Endt/ damit er solcher gestalt sei  
Liebhaber probiere vnd versiche/ ob sic  
Kelch trincken/ und das Kreuz mit ihm  
tragen können/ ehe daß er die grosse  
Schäz in ihnen verberge/ item auch  
mit wir selber erkennen was wir seyn  
Dann die Gaben seynd dermassen ti  
lich/die der HERR nachmaln mitthe  
daß er haben will/ wir sollen zunor  
ser eigne Unwürdigkeit vnd ellends m  
sen erkennen/ehe daß er sie uns verlo  
damit uns nit wie dem Lucifer gesche  
jedoch liegt sehr viel daran/ daß niemal  
wegen der trückne vnnid aufschwa  
fungen desß gemüts/die er also leydet

selber harl betrübe / wann er des Geiss  
frehheit zuerlangen / vnd des Gemüts  
verdrießlichkeit zuentfliehen begert:  
Er soll aber anfangen das Kreuz nit zu-  
fürchten / so wird er erkennen / daß der  
Herr dasselbig tragen zuhelfen sich zum  
mitgesellen wird anstellen / er wird auch  
an ihm selber verfehn vnd spüren des  
gmüts hurtigkeit deren er genießt / sampt  
der frucht vnd nutzbarkeit / die er auf al-  
lem disem empfangt. Im Leben. Cap. II.

Ich hab gewisse vnzweifliche Erfah-  
rung / daß diese trückne vnd verstreitung  
des Gemüts offtermaln auf des Leibs  
übler beschaffenheit / auf enderung der  
zeit / oder verfehrung der feuchtigkeiten  
herkommen; welches verursacht / daß wir  
gemenglich ohne vnser schuld nit thun/  
was wir doch gern wolten. Alsdann aber  
wann die trückne daher kompt / se kompt  
noch vil harter an / die Seel zum besten  
zumüssigen / dann solches ist eben so vil /  
als die Seel zu unmöglichem ding an-  
treibe / vnd erstecken. Es ist aber alsdann  
nuzlich / das Gebett auf ein andere zeit

Vero

verschieben / vnd sich im lesen / oder andern werken der Leib occupieren vnd auffhalten / oder von recreation wegen ins Feld spaziern / oder sonst ein ehrliech recreation mit ratsch des Beichtvaters fürenmitten ; dann des H. Ern. Jochs Fuß ; es ist auch mit nur die Seel mit gewalt zu ziehen / sonder sanftlich vnd ewiglich zu führen / damit sie desto mehr proficier vnd zunemme ; man soll auf dem Leib etwas nachsehen vnd aufmerken / damit er hinwiderumb nachmutter der Seelen öffter gehorche vnd diene. Im Leben. Cap. II.

Dahero dann sonderlich zu merken ist / (welches ich darummen sag / weil ich selber erfahren hab ) das / wer auff die weeg des Gebets mit beständige fürth ansangt fortzugehn / vñ sich selber in überwunden hat / da er mit hochachtung tröstung vnd wolgeschmacke verfossen ist / die Gott pflegt zu verleihen / auch zu sehr traurre wege mangl d'selbigen halte gänglich darfür / er habe schon mehrern thayl des weegs überwunden

sorge auch nit/ daß er wider zurück wer-  
de weichen / wann er gleich schlippere  
vnd wancke: seytemaln auf solchem fall  
Gott der Herr etwas gutes wird heraus-  
bringen : Er befleisse sich aber zu deme  
was noch vor ihm ist/ sich aufzustrecken/  
seytemaln er seinen Barw auff ein steife  
beständige Grundfest auffzurichten hat  
angesangen. Die lieb Gottes besteht nit  
in vergießung der Zäher / in süßen ver-  
kostungen vnd lieblichkeiten/ sonder im  
schuldigen dienst vnd Werken der Ge-  
rechtigkeit / in dapferer starkmütigkeit/  
in tieffer demütigkeit. Dahero dan/ wem  
die obbenenirten Trostungen manglen/  
der lasse sichs nit sehr verdriessen / er be-  
kümmere sich auch nicht darumb / sonder  
wisse / daß sie gar nit vonnothen seynd/  
seytemaln sie Gott nicht darumben mit-  
thaylt/ daß ihm einer selber darinnen ge-  
fallen soll / dann dis ist ein unvollkom-  
menheit/vnd haist nit wandlen in frey-  
heit des Geists. Und dieses ist nit so fast  
für die ansangende gered (gleich wol auch  
ihnen sehr vil daran gelegen/ mit solcher

D freyheit

frenheit des Herzens vnd steifem fünd  
sas ansangen / sonder für diejeniger ab  
welche schon längst angefangen haben w  
vnd doch niemaln ans End kommen mit be  
dessen vrsach ich meistens heils zu seir tag  
darfür halte / weil sie gleich von anfang  
das Kreuz nit ernstlich umbfangen sache  
ben. Im Leben. Cap. II.

Widerumb ermahne ich / dieweil sehr  
ses ein so wichtiger Handl ist / das solch  
jenig / welcher die vbung des Gebetwaifs  
angefangen / vorgemelten steifem fürt re/es  
des gemüts habe. Dann wann der Feind als ei  
Feind einen also beschaffen sich t / das steh/  
nemblich mit steifem fürsas ehend starc  
das Leben vnd alles anders verlier schla  
mölle / als von dem angefangnen Welschla  
aussez / wird er ihn desto ehe mit herm  
den lassen: Dann er solche dapfere haßt/  
gen zuversuchen keinen zutritt hat: Ge ben/  
temaln er sich vor ihnen sehr fordt / nu  
weil er schon auf der erfahrung wiss streit  
wie er so grossen schaden von ihnen leid Ang  
de / vnd wie alles / was er wider sie arg  
stig anstellet / über ihn selber aufgeht  
wie

em s̄ind ihnen zu jhrem nuz komme. Wann  
eniger aber einen siehet vnbeständig / im ḡo  
habeten wankelmüttig / vnd zum verharren  
m̄nit beherszt gnug seyn / einem solchē wird  
zuseer tag vnd nacht streng zusezen / er wird  
ansim schröcken machen / vnd vngereimbte  
igen/sachen fürhalten / darauf er sich niemaln  
recht ziehen wird. Es ist auch ein andere  
eweil sehr wichtige vrsach / nemblichen / das ein  
dass solcher vil starkmütiger streittet / dann er  
Geben waiss dass es vbel stehe / wider zu ruck feh.  
n fürt re/es gehe gleich wie es wöll : Mit anderst  
der völ als einer / der in einer schlachtordnung  
/ dass steht / vnd wol waiss / wann die Feind zu  
ehend stark werden / dass sie ihm das Leben nit  
verlieren schenken : Und wann er schon in der  
schlacht nicht vmbkompt / müsse er doch  
mit hernacher sterben. Dahero er dann herz.  
re haßter streittet / vnd besleist sich / sein Le.  
ben (wie man im sprichwort sagt) thewr  
ordn̄ innenkäffen / fragt auch nichts nach  
z waiss streich noch wunden : Seytemaln er vor  
nen le Augen hat / wie jme so viel daran gelegē/  
ie arg dāß er den Sig vom Feind erhalte / vnd  
wic sein Leib vnd Leben auf diesem allein  
vnd

D 2 bestehe

bestehe vnd hange / daß er den Feind  
berwinde. Weeg der Vollkom. Cap.

Solle derhalben derjenig / welch  
ansangt zubettet / sich dapser v  
Mannlich vnd nit wie die Gedeon  
Soldaten / welche sich zum trincket  
der auff den Boden gelegt / verhal  
sonder vilmehr gedencke er bey sich  
her / er habe mit dem ganzen Heer  
vnreinen Geister zu streitten / vnd so  
hierzu kein besser waffen als das Er  
zu finden : Er soll aber brynebens  
fahren lassen / vnd ihme nit fürbilden  
trößliche belustigungen / so bey diesem  
gefangen werck gesunden werden  
temalen dises die allervnterste form  
weiß ist / ein so kostliches Gebaw an  
fangen : Wird er nun die grundfest  
einen Sand legen / so wird der gan  
Barw einfallen / vnd daher wird er  
Trübsalen vnd Anfechtungen niem  
entfliehen. Dann das Himmelbret v  
nit gleich anfangs dargereicht / sond  
erst über ein zeit hernach / wann nemlich  
alles seinen guten geschmack hat / will

der Seelen angenem ist / vnd solches ebē  
darumben / weil sie selber nichts anders  
will / außer dessen was Gott will. Es  
aber nur vnd gut / daß solches recht vnd  
wol verstanden / vnd in gedächtniß be-  
halten werde / das nemlich deren / die sich  
erstlich zum Gebet ergeben / ihr ganzes  
vorhaben / zihl vnd end allein gerichtet  
sein auff strenge mühe vnd arbeit / vnd  
sich alles fleiß dahin wenden / ordnen vnd  
schicken / das ihr will dem Götlichen  
willen ganz vnd gar gleichformig sey:  
Darinnen dann die summa der ganzen  
vollkommenheit / die man auff dem geist-  
lichen weeg erlangen kan / besteht. Weeg  
der Vollkom. Cap. 23.

Wer solches mit mehrer vollkommen-  
heit vollbringt / der wird von dem Herrn  
desto mehrer verdienen / vnd auff diesem  
Weg desto besser fortfahren. Irren wir  
aber gleich anfangs / vnd wollen daß sich  
Gott nach vnserm willen richet vnd schi-  
cke / vnd die sach anstelle auff weiß / vnd  
wie es vns gefällig / was wird ein solcher  
Waw für ein grundfest überkommen? So-

D. 3. lasset

26 Der H. Therese von Jesu

so lasset vns nun besleissen / vnser mögli  
chstes zu thun / vnd Gott dem H Eru  
haim sezen / wohin er vns führen wöl  
In der 2. Wohn. Cap. II.

Ferner wie wol dise zihlung vnd er  
bung des willens / dariouon ich rede / gän  
lich vonnöten ist / will nemlich hierzu  
alles miteinander hange / ist doch darum  
ben mein meinung nicht / das ich sa  
wolte / es soll einer / der dise ergebung no  
nicht hat / vom anfang aufsezzen / oder  
anfangen / dann der Herr wird ihm scha  
all gemach verbessern / vnd vollkommen  
machen. Und gesetzt / das ein solcher  
weiter dann nur einen einzigen scha  
fortgienge / begreift es doch nichts desto  
weniger in sich so grosse krafft vnd zug  
dass mit zusorchten / dass es verloren sei  
oder ohne reichliche belohnung abgeht  
Derowegen / wann er gar nachmal  
auff disem Weeg des Gebets nich  
verbleiben soll / wird ihm doch diese  
wenig / was er darinnen fortgeschritten  
ein solches liecht geben / das er auff an  
dern wegen wol vnd fruchtbarlich wan

deßen wird; solle auch für gewiß halten/  
es werde ihm hierauf kein schad begeg-  
nen oder zuwachsen/wan er es schon vn-  
terlassen/dan dz gute kan niemaln schäd-  
lich seyn. Weeg der Vollkom. Cap. 20.

Ich verwundere mich bisweilen/ wie  
so vil daran glegen sey/das man auff di-  
sem weeg zu grossen dingē sich entschlies-  
se / wann schon die Seel an ihren kräf-  
ten noch nit erstärckt ist / dann sie in eine  
einzigen sing sehr forschreitet : Gleich-  
wohl sie vnterweilen ( wie ein Vogelein/  
das noch nit recht Federn hat) müd wird/  
vnd erwān da oder dort behangt. Man  
muß entwischen S. Pauli spruch vor  
Augen haben / das wir alles vermögen  
in deme/ der uns stärcket. Und dahero  
will es sich für nemlich gebühren / das  
man ein grosse hoffnung fasse/ auch die  
gefasse Begierden vnd verlangen nit  
fallen lasse / sonder Gott dem Herrn  
glauben / das / wofern wir unser mög-  
lichstes thun/ werden wir allgmach(wan  
schon ein wenig hindernuß darein kommt)  
gelangen. kennen zu denen dingen/

D 4      dahin:

dahin vil Heilige durch hulff Gottes g  
lange seyn. Dann hetten sie dieselbige  
verlangen/vnnd im werck zuerfüllen/  
gmüt vnd herz nie auffgericht / so wen  
sie zu hohem stand mit nichten komme  
Die göttliche Majestät sucht vnd liebt  
die herzhafte vnd großmütige. Sehe  
wann sie nur sein demütig / vnd ohneg  
nige auff sich selbst gestellte Verkröpftung  
vnd überhebung / oder zumessung so  
gehn: Es ist mir auch dergleichen Seel  
keine bewußt/die verworffen vnd verachtet  
auff diesem weg erlegen wäre: Die stolze  
mütige aber vnd forchsamens/oder v  
zagte/wann sie schon die Demut habe  
erriachen sie doch erst in vilen Jahren  
was dise in gar wenig Jahren erlangt.  
Dann dise erste starcke fürnehmen / seyn  
etwas grosses/gleichwol sie sich anfang  
mehrer innhalten vnd mässigen / auf  
des geistlichen Vatters vnd Lehrme  
sters beschaidenheit vnd willen anhan  
gen sollen. Doch soll man wol in obach  
nehmen / das derselb mit ein solcher so  
der sie lehre nur immerdar wie die Kri

ten auf der Erden vnd im Koch herumb zu friecken (das ist/ als sollen sie in ihrer eignen stäten Erkanntniss bleiben / vnd sich nit höher hinauf lassen) dann eiliche kompt es für/ als sey es ein Geist der hof- fart/grosse verlangen haben / der Heili- gen leben wollen nachfolgen/vnd nach der Marter Eron streben; Sie stellen vns auch für/ als seyen der Heilige Geschichte vilmehr zu verwundern / als von vns Sündern nachzu folgen. Welches zwar auch mein mainung ist; Wir sollen aber billich in obacht nemmen vnd bedencken/ was doch zuuerwundern/vnd was nach- zu folgen ist / nemblich ein grosse verach- tung der Welt haben/von seinem eignen ansehen nichts halten/ irdischen gütern mit nichts anhangen; Dan wir so enge vnd geizige Herzen tragen/ das wir ver- mainen / es werde vns die Erden zerrin- nen/ so bald wir der Leibssorg ein wenig abthun/vnd dem Geist etwas abwarten wollen. Es seynd aber vnsere Sünden daran schuldig/das man so vil Menschen findet/welche/so vil diß belanget / gar zu-

D s he.

beschaiden seynd ; das ich vermein/  
sey am meisten vrsach/das diejenigen/  
erst anfangen / nicht ehender zu gross  
vollkommenheit gelangen. Wir können  
auch den Heiligen nachfolgen / in  
vnd lust zur einsamkeit / im stillschwe-  
gen/vnd andern mehr Tugenten zu vñ  
welche diese leze vnd schnöde Leiber / die  
gute warch so gar der schnur nach haben  
wollen / damit sie die Seel gar auf  
Regenschuldigkeit heraus ziehen / nit  
tod abmerglen. Der Teuffel selber auch  
wann er sieht/das vns gleich im eingang  
ein forcht ankompt / bemühet er sich auf  
alle weis vnd weeg / solcher Leiber vñ  
tauglich vnd vngeschickt zu machen  
Dan ersucht durch diese forcht nichts an-  
ders/als ein vrsach vns zuberedē/es wen-  
de vns alles tod schädlich seyn / vnd vñ  
fern gesund verderben ; Ja so gar auch  
wann wir wainen vnd zäher vergießen  
macht er vns ein forcht / wir möchten die  
Augen aufwainen vnd erblinden. Ich  
hab es selber probiert/dahero es mir dan-  
mol bewusst : Waß gleich wol nicht/wat

wir für ein schärfers Gesicht oder bessere gesundheit funden wünschen oder begeren / als das wir vnder solchem Titul/ so wol die Gesundheit/ als das Gesicht gern verlieren solten. Dieweilich aber dermassen schwach vnd fräncklich bin/ dannenhero/ so lang vnd vil / bis ich mir einmal fräffiglich vnd steiff fürgenommen / ich wölle meinen Leib oder mein Gesundheit nicht mehr in obacht nemmen/ so lang vnd vil/ sag ich / war ich allzeit gleichsam gebunden/ das ich nichts dapffers präsentieren oder richten könnte/ gleichwohl ich auch jetzt noch mit viel aufrichtie. Es hat jedoch dem höchsten Gott gefallen/ das ich verstunde / das solches des Teuffels spil vnnدارglift sey: Dahero/ wan er mir fürghalte/ ich möcht mein gesund verlieren/ sagt ich bey mir selber/ (es liegt wenig daran wann ich schon stirb) wann er aber mir einbliesse / ich bedarffe Ruhe vnd guter warth/ gab ich zur antwort/ Es ist mir kein Ruhe oder gute warth/ sonder Creuz vnd Leyden vonnöten. In vilen dingēn hab ich aufdruck

D 6 lich

32 Der H. Theresæ von Jesu

lich erkennet vnd gemerckt (ob ich im  
rechtschwach vnd unkräftig bin) dass  
des Teuffels versuchung / oder mein ei-  
ne faulkeit sey / seytemaln / nachdem  
solche außflucht vnd gelegenheiten be-  
seits gesetzt / vnd nit mehr so vil auß mi-  
selber gehalten / ich nur stärcker vnd kräf-  
tiger worden bin. Im Leben. Cap. 13.

Es befind sich bey den ansangend  
noch ein andere gar gmeine versuchung  
als nemlich / das sie verlangt / das auch  
andere sollen sehr Geißlich werden; da  
dieweil sie sehen / was hierauf für gu-  
ruhe vnd frucht kompt / wolten sie das-  
le andere eines solchen nutzens theilhaft  
zig würden. Nun ist zwar solches verlan-  
gen nit böß / aber so stark darauff trin-  
gnd ins werck richten wollen / könnten  
auch nit gut seyn / es geschehe dan solche  
mit sehr grosser beschaidenheit vnd le-  
hutsamkeit / vnd zwar also / das man nur  
mercke / als wolte man andere lehren.  
Dann wer hierinnen ein frucht schaffen  
will / muß mit kräftigen Eugenden we-  
versehen seyn / damit er andern nur an-

fechtung nit vrsach gebe. Dann / dieweil sie eins theils grosse ding von güttern vnd nutzbarkeiten / so sich in vbung des Geberts befinden / reden hören / anders theils aber auch mercken / daß ißnen noch steifte Tugendien hierzu abgehen / kompt sie ein ansechtung an / vnd gedencken / es könne eines neben dem andern nit bestehen vnd zgleich seyn: Derowegen sollen wir vor allen dingen gleich ansangs dahin sehen / daß wir allein für vnser Seel sorg trage / vnd gedencken / es sey nichis als Gott vnd vnser Seel auf Erden / vnd diß ist / daß ihr allermeistens gebürt vnd zustehet.  
Im Leben. Cap. IZ.

Es folgt auch die dritt versuchung (welche sich) wie andere alle / mit einem Enser der Tugent decket / vnd darumb fleißig vnd sorgfältig zuvermeydē ) nehmlich des schmerzens vnd bitterkeit wegen frembder sünden vnd unvollkommenheiten: Solche will der böse Feind bereeden / diese trawigkeit röhre allein dahero / daß sie Gott beleidigt sehen / vnd wolten einem so grossen vbel entgegē gehn: Und

diß macht sie dermassen verwürst vnd  
vnruhig / daß es sie auch gar an ihrem  
Gebett verhindert. Sonderlich aber ist  
ihr allermeister vnd grösster schad/dass sie  
vermeinen/es sey solches ein Eugent/er  
vollkommenheit vnd grosser Eyffer der  
Ehr Gottes; So wird nun für ein Gott  
die sich dem Gebett ergibt / das sich er  
seyn / das sie nemlich alle andere sorg  
beyseits lege/vnd gänzlich vergeße/jher  
selbst aber/vnd wie sie Gott gefalle / so  
derbare sorgfalt habe. Ich rede jetzt nicht  
vom Land vnd betrübnuß / die von o  
fentlichen sünden vnd der ganzen Christ  
lichen Kirchen schaden herkompt / all  
erwan von jexigen Kexereyen / verem  
wegen wir so vil tausent Seelen scha  
verderben ; dann ein solche trawigkeit  
ist sehr gut/vnd dahero verwürret sie den  
Friden und Ruhigkeit mit nichts. So  
len wir uns demnach bekleissen / uns  
Augen zwar jederzeit auf ander Eugenten vnd  
ihre mängel aber vnd gebrechen/ mit de  
fern grössten sünden verdecken. Dis

ein weis auff dem Weg der Vollkom-  
menheit zuwachsen vnd fortzuschreiten/  
welche/wiewol sie nit ebē gleich mit schul-  
diger Vollkommenheit beschicht / wird  
doch allgemach ein herrliche Tugent dar-  
aus/nemblich dise / das wir alle Men-  
schen für besser als vns selber halten. Im  
Leben. Cap. 13.

Ist derowegen einem Anfangenden-  
nit nur ein schlechte fürsichtigkeit vonno-  
ten/zuerkennen/durch was für vbungen/  
er mehrer könne zunemmen; hierzu aber  
ist fürnemblich nothwendig ein anführer/  
vnd Lehrmeister/der geschickt vnd woler-  
fahren sey/dann so er die erfahrenheit nie-  
hat/kan er grob irren/vnd wirdt die Seel-  
führen/ohne daß er sie erkenne / auch ihr  
die freyheit nit lassen/dß sie sich selbsten:  
erkenne / dann weil die Seel versteht/  
daß es ein Werk eines trefflichen Ver-  
diensts sey/einem Geistlichen Lehrmeister  
unterworffen seyn/ so darff sie nicht vmb  
ein härllein seinen Besuch vnd Gebot  
öberschreitten. Und weil obbesagte Meis-  
ter den Geist nicht verstehen/ also folgt/  
daß:

dass sie zugleich die Seel sampt dem Leib  
betrüben/vnnd das Geistlich zunemmen  
verhindern. Ich hab etliche Seelen an  
getroffen/mit denen ich/weil ihre Regi-  
rer vnd führer kein erfahrenheit hemen  
ein grosses mitleyden hatte. Auf dem  
eine mit mir gered/welche in die 8. Jahr  
lang ir Lehrmeister über das zhl der selb-  
eigne erkandnuß nit ließe hinauß schrei-  
ten: vnd dannoch hat sie Gott der H. Er-  
schon selbigmahs zum Gebett der Rau-  
higkeit erhebt: daher sie deswegen sehr  
viel mühe vnd arbeit herette. Mit ohneiss  
dass sonst diese sein selbst Erkandnuß ein  
sehr wichtige sach ist/dieweil kein so hoher  
Staßl des Gebetts gefunden wird/dan-  
innen nit sonderlich nuzlich sey/dass du  
Mensch offtermahl zum anfang herzu-  
der fehre. Und ist diser Punct von erin-  
nerung der Sünden vnd seiner selbst Er-  
kandnuß gleichsam das täglich Brötchen  
dass man zu allen spenssen/wie fast vnu-  
gut sie immer seyen/auff diesem Weg des  
Gebetts/gebrauchen soll/ohne welchen  
sich niemand sondie erhalten: doch soll  
man

man es anderst nit als mässiglich nem-  
men. Dan nach dem sich die Seel gäng-  
lich resigniert ergeben vnd auff geopffert  
befindet vnd klarlich sihet / daß sie von  
ihr selbst nichts hat / vnd vor einem so-  
grossen König aller schamrot erscheinet/  
was ist alda vonndten / die zeit ferrner  
zu verlieren / vnd vilmehr zu andern ma-  
terien / die vns der Herr für gibt forzu-  
schreiten: schremaln sein Göttliche Ma-  
iestät besser weiß als wir / was für spez̄  
vns zur Nahrung nützlich seyen. In  
Leben. Cap. 13.

Sollen wir derohalben von vnserer  
eigen Erkandnuß wegen / die Erkandt-  
nuß Gottes nit vergessen / dann in deme  
wir ihne betrachten / werden wir vns sel-  
ber besser erkennen: vnd in betrachtung  
der vollkommenheit Gottes werden wir  
vnserer mängel vnd unvollkommenheitē  
desso klarlicher vor Augen haben / gleich  
als wann man schwartz vnd weiß neben  
einander setzt. So werden auch vnser  
verstand vnd will noch edler vnd hurti-  
ger zu allem guten zuwürcken / weil wir  
(ungleich)

38 Der H. Theresæ von Jesu

zugleich mit vns selber vnd mit Gd handlen. Erheben wir vns nun gar nu auf der Kostlacken vnsers Ellends / wird vnser Bächlein von dem Koch vnd Letten der eylen forcht / der flainmungkeit vnd verdrossenheit / immerdar trüb herunterlauffen : dahero dann der Gu len mit ein schlechter schaden zuwachs wird. In der 1. Wohn: Cap. I.

Bey disem Puncten von den Gott lichen Lehrmeistern will ich hiemit gesagt haben / daß sehr vil daran gelegen sei daß sie recht fürsichtig / eines guten ver standes / vnd in der gleichen innerlichen dingem wol versiert vnd erfahren seyen seynd sie dann zu disem allem auch ge lehrt / so ist es ein sehr grosse nutzbarkeit. Können aber je diese drey stück nicht gleich bensammen seyn / so seynd doch die erste zwey mehrers vonnothen / dan man im Nothfall leichtlich gehret deuch wird haben können. Im leben. Cap. 2.

Es liegt vil daran / daß derjenig / wer sich vmb die vbung des Gebets will annehmen / sich von vnnotwendigem

dingen vnd geschäfft en abschraufe / ein  
jeder seinem standt nach : Welches so  
hoch vonnöten ist / das ich für vnmöglich  
halte / ohne dieses einen fortgang zugwin-  
nen. In der i. Wohnung. Cap. i.

Das Zahl vnd Endt / dahin das Ge-  
bet sich lendet / wie hoch es immer sehn  
möchte / ist / das wir solche werck thun /  
welche vnser lieb gegen Gott bezeugen :  
Und darumb ist dejenigen / der sich dar-  
innen oben will / ausglichen / das er sich al-  
lein in dem Mündlichen Gebet nit auff-  
halte / auch nit nur allein in der betrach-  
tung bestehet vnd bleibe ; Dann wofern  
er sich nicht befeissen wird Tugendien zu  
vben vnd zu überkommen / wird er nicht  
wachsen / sonder jederzeit klein bleiben /  
vnd wolte Gott es blib noch bey disem /  
das ein solcher nit wachset : Seytemalr  
menniglich wol bewußt / dz einer / der auff  
disem Wege nit zunimbt / nur abnimbt.  
Dann es meines erachtens nit seyn kan /  
dz die lieb jederzeit in eine unveränderli-  
chen stand verharre. Der Seelen fort-  
schreitung besteht nit in deme / dz wir von  
Gott :

Gott lang gedencken/ sonder vist mehr  
deme/ das wir in von herzen vnd grun  
lieben. Nun aber erlangen wir diese  
als dann/wan wir uns fürnemmen/vn  
fest entschließen von Gottes wegen gut  
zuhun vnd zukeiden. In der 7. Woch  
Cap. 4.

Wer disen wege eingehet/der soll nicht  
auff etliche gerisse Demut oder niede  
trächtigkeit halten: Dan vil halten es für  
ein Demut, / das man nit erkennen soll  
daß sie gaben von Gott empfangen. W  
müssenes wol gnu g verstehn/das nem  
lich Gott ohne einige unsere verdienst  
selbige verleyhe / vnd wir ihme darum  
danck sagen. Dan/ wosetz wir nit erken  
nen/ das wir solche empfangen/werden  
wir zur lieb mit nichten auff gemünt  
werden. Und ist einmal gewiß vnu  
wahr / das wie mehr wir uns gnaden  
reich zusehn befinden / ( doch darneb  
auch wissen vnd erkennen/das wir ar  
vnd ellend seyen) das uns desto größe  
nugbarkeit vnd mehrere wahre Dem  
zuwachse. Ausser disem ist alles/ was in

thun vnd gedencken/ anders nichts / als  
das herz vnd gmüch weich vnd verzagt/  
faul vnd verdrossen machen / daß man  
vermeine vnd halte/ man sey zu grossen  
gnaden vnd gaben vnfähig: Wann man  
sich selbst / so bald ihme Gott dieselben  
mitzutheilen ansangt/ von forchi der ex-  
telen Ehr einnehmen vnnnd abschröcken  
läst. Man soll aber kräftiglich glauben/  
das derjenig / der solche gütter mittheile  
vnd verleyhet/ auch zugleich gnad geben  
werde/das so bald der böse Feind ansan-  
gen wird / ihne hierinn zuuersuchen/er  
solches alsbald vernetn me vnnnd mercke;  
Er wird auch stärck vnnnd kräftsten zum  
widerstand verleyhen/ wann wir/ sprich  
ich/einfältig vor Gott wandlen werden/  
vnd ihme allein / nit aber den Menschen  
zugefallen begehrn. Zu disem so ist vn-  
möglich/ (vnterer Natur nach zureden)  
das einer sein Herz zu grössern dingē  
aufrichte/der nicht darfür helt/als sey er  
Gott lieb vnd innerlich angenehm. Dan  
wir seynd dermassen ellend vnd zu irri-  
schendingen also genaigt/ das einer dise

zecc

zergängliche ding sehr hart mitrechte  
Wahrheit hassen kan/der nicht einer grö  
ßen hab vnd gaben von oben herab ge  
wertig ist. Dann durch diese gaben erset  
der Herr die stärck/die wir durch die sum  
verloren haben. Es wird ihm auch harr  
vnd schwerlich fürkommen/das er wolt  
bei allen verhaft seyn / er wird auch u  
Heldenjugenten der Vollkommenen  
Menschen nit gelangen/er habe dan an  
pfand vnd warzaichen der lieb/die Gott  
gegen ihm hat/vnd darzu einen lebend  
gen Glauben. Seitemalen unsrer Mu  
tur also gar erstorben ist / das wir eben  
von uns selbsten / vnd zwar nach alle  
schwär/zu dem was wir gegenwertig vo  
uns sehen/gezogen werden. Dahere da  
seynnd dieses die gaben / die den glauben  
auffmuntern vnd stärcken. Und seyn  
maln zulässig/ja eines grossen verdienst  
ist/immerdar gedencken / das wir von  
Gott unsrer wesen haben/das er uns auf  
nichts erschaffen/vnd ohn vnderlass  
halte / wie auch anderer Wohlthaten sei  
nes bittern Todis / seiner Mühe vnu

Arbeit / die er längst zuvor / ehe das er  
vns erschaffen / für alle jetzt Lebende aufz.  
gestanden. Warumb soll mir nicht er-  
laubt seyn zu verstehen / zu besehen / vnd  
offtermahlen zu betrachten / das ich et-  
wann vor Jahren von eyten dingen ge-  
redt hab / jetzt aber durch Gaben vnd  
Gnaden GOTTES von keinem andern  
ding reden wölle als von GOTTE vnd  
mit Gott? In dem wir aber eingedenck  
seyn / das dieses Kleinod vnd bessere  
Gab von GOTTE als dem Vatter der  
Liechter herab steige / werden unsere her-  
zen eslicher massen mit gewalt eingenom-  
men / vnd treibt sie an zu lieben /  
auf welchem alles gutes des Gebetes /  
so auf der Demut gegründet ist / be-  
steht / vnd diß raitzt auch die Seel  
an / daß sie verstehe / wie sie zuvor  
nichts dergleichen an ihr gehabt / J.  
rem das sie des HERRN Freygebig-  
keit erkenne / dahero sie sich dann be-  
mühet die Kräften zuerholen vnd zu  
versamblen / ihme zu dienen / damit sie nie  
vndance.

vndankbar sey. Dann der H. Er im  
heilet vns disen schatz mit solcher m  
nung/das/wann wir vns desselben mi  
recht gebrauchen / er ihn widerum w  
vns zu sich nemme: Und als dann no  
den wir vil ellender vnd armer seyn al  
wir jemaln zuvor gewesen. Im drit  
Cap. 10.

**Gesetztecke deske Reg**

### Das ander Capittel.

### Von dem Ersten Staffell ren / die das innerlich Ge bett auffangen.

**Z**umit ich unterschiedliche S  
fel des innerlichen Gebets  
flären könne/muß ich mi  
ner gleichniß gebrauchen  
ich zwar gern unterwegen liesse / the  
weil ich ein Weibsbild bin / theyls au  
dass ich einfältiglich gehorsamte der  
was mir beschлен worden. Es ist aber  
se manier des Geists so schwärlich